

BookTrust Cymru: Comisiynau Amser Rhigwm Mawr Cymru 2022

Crynodeb

Rydyn ni'n gwahodd awduron, beirdd, ysgrifenydd, cerddorion a pherfformwyr i'n helpu i greu cynnwys arbennig newydd ar gyfer Amser Rhigwm Mawr Cymru 2022.

Rydyn ni'n cynnig hyd at dri chomisiwn o £600 yr un.

Dyddiad cau gwneud cais: Canol dydd, 1 Hydref

Byddwn ni'n anelu at roi gwybod i'r ymgeiswyr llwyddiannus cyn gynted â phosib yn ystod yr wythnos sy'n dechrau ar **11 Hydref**.

Rhaid i bob gwaith fod wedi'i orffen a'i gyflwyno i BookTrust Cymru erbyn dydd Llun **29 Tachwedd**.

Am Amser Rhigwm Mawr Cymru

Mae Amser Rhigwm Mawr Cymru / The Big Welsh Rhyme Time yn ddatliad cenedlaethol wythnos o hyd sy'n dathlu rhannu rhigymau, cerddi a chaneuon yn y blynyddoedd cynnar. Ei nod yw hybu ac annog gweithgareddau rhannu rhigymau hwyliog a phlesurus ar gyfer plant ifanc yng Nghymru rhwng 0 a 5 oed, yn Gymraeg a Saesneg. Mae'n cefnogi sgiliau cyfathrebu a llythrennedd cynnar a chreadigrwydd.

Bydd Amser Rhigwm Mawr Cymru 2022 yn digwydd rhwng 7 a 11 Chwefror.

Neges allweddol eleni fydd 'Bwrlwm y Rhigwm i Bawb'; rydyn ni eisiau hybu'r neges fod rhigymu ar gyfer pawb o bob oedran / rhyw / cefndir.

Bydd plant yn cymryd rhan drwy gyfrwng ystod eang o leoliadau blynyddoedd cynnar, gan gynnwys ysgolion, llyfrgelloedd, cylchoedd chwarae, meithrinfeydd a sesiynau ti a fi. Bydd plant sy'n cymryd rhan yn derbyn tystysgrifau a sticeri arbennig, a chefnogir yr wythnos gan weithgareddau ar lein a chysylltiadau cyhoeddus.

Lansiodd Amser Rhigwm Mawr Cymru yn 2018, a chymerodd dros 25,000 o blant ran llynedd.

<https://www.booktrust.org.uk/what-we-do/booktrust-cymru/the-big-welsh-rhyme-time/>

Am beth rydyn ni'n chwilio

Rydyn ni'n chwilio am **leisiau gwahanol o Gymru i'n helpu i greu cynnwys hwyliog a deniadol a fydd yn annog plant i rannu a mwynhau rhigymau, cerddi a chaneuon** yn ystod Amser Rhigwm Mawr Cymru – ac wedyn.

Rydyn ni eisiau'r cynnwys newydd i gefnogi plant yn y Cyfnod Sylfaen. Rydyn ni'n canolbwyntio datblygiadau newydd eleni ar **blant 0 – 5 oed**.

Dylai pob comisiwn gynnwys fel lleiafswm:

- **un rhigwm, cerdd neu gân hwyliog gwreiddiol a gysylltir â'r neges (yn ddwyieithog os yw'n bosib)**
- **ffilm o'r rhigwm, y gerdd neu'r gân yn cael ei berfformio**

- **un gweithgaredd rhyngweithiol ar gyfer plant**
- **o leiaf 2 fideo byr i hybu'r rhigwm newydd AC i hybu Amser Rhigwm Mawr Cymru (ar gyfer ei ddefnyddio ar y cyfryngau cymdeithasol)**
- **lluniau pen i'w defnyddio mewn deunydd hyrwyddo**
- **o leiaf 1 dyfyniad sy'n cysylltu â neges eleni 'Bwrlwm y Rhigwm i Bawb**

Ein nod yw arddangos y fideos a'r gweithgareddau a ddetholir drwy gydol wythnos Amser Rhigwm Mawr Cymru (7–11 Chwefror 2022). drwy gyfrwng ein sianelau ar lein. Byddwn ni'n annog plant i ddefnyddio'r holl adnoddau yn ystod eu sesiynau Amser Rhigwm Mawr Cymru. Bydd testun y rhigymau, y cerddi a'r caneuon yn cael eu dylunio i gynhyrchu adnoddau wedi'u brandio ar gyfer plant a theuluoedd.

Dylai'r rhigymau, y caneuon a'r gweithgareddau fod yn hwyliog a deniadol i blant 0 – 5 oed a deffro'u dychymyg.

Rydyn ni am i'r cynnwys adlewyrchu amrywiaeth Cymru ar draws y comisiynau. Bydd yr holl adnoddau'n ddwyieithog. Bydd hyn yn cynnwys Cymraeg a Saesneg, yn amlwg, a gall hefyd gynnwys rhai o'r ieithoedd eraill a siaredir yng Nghymru.

Am BookTrust Cymru

BookTrust yw elusen ddarllen plant fwyaf y DU.

Bob blwyddyn, byddwn ni'n cyrraedd at 3.9 miliwn o blant ledled y DU gyda llyfrau, adnoddau a chefnogaeth i'w helpu i ddatblygu cariad at ddarllen. Mae BookTrust yn cael plant i ddarllen mewn llawer o ffyrdd gwahanol, ond ein blaenoriaeth yw cyffroi plant ynghylch llyfrau, rhigymau a straeon.

Ystyriaethau eraill ar gyfer y comisiynau

Uwchlaw popeth arall, dylai'r cynnwys fod yn ddeniadol i blant yn y Blynyddoedd Cynnar. Dylai hefyd fod yn apelgar i rieni / gofalywyr ac yn hygyrch i ymarferwyr i'w helpu i gael y gorau o'u sesiynau amser rhigwm.

Rhaid i'r cynnwys fod yn addas ar gyfer ei ddefnyddio mewn lleoliadau amrywiol ac yn y cartref.

Dylai'r cynnwys apelio at blant ledled Cymru o ystod o gefndiroedd teuluol a chartref, a dylai fod yn wirioneddol gynhwysol.

Ar draws y comisiynau, byddwn ni'n chwilio am gynnwys sy'n addas ar gyfer siaradwyr Cymraeg brodorol, dysgwyr Cymraeg (mewn ysgolion cyfrwng Cymraeg a Saesneg) a phlant a theuluoedd ble mae Cymraeg neu Saesneg yn iaith Ychwanegol iddynt.

Dylai cynnwys ar ffilm ateb gofynion canllawiau ffilmio BookTrust (gweler Atodiad 1).

Telerau eraill

Cydnabyddir na all pob comisiwn o reidrwydd ateb pob galw, yn enwedig o ran iaith. Cysylltwch â ni os oes gennych unrhyw ymholiadau os gwelwch yn dda.

Mae BookTrust Cymru'n cadw'r hawl i ddyfarnu llai na thri chomisiwn os nad yw'r ceisiadau'n addas.

Rydyn ni'n croesawu ac yn annog pobl o bob math o gefndir, ac o bob cwr o Gymru, i ymgeisio.

Rhennir y cynnwys ar wefan BookTrust Cymru ac ar draws ein llwyfannau cyfryngau cymdeithasol. Rhennir y cynnwys gyda brandio BookTrust. Bydd BookTrust Cymru'n ychwanegu brandio i'r ffilmiau, ynghyd ag isdeitlau, os oes angen.

Bydd BookTrust Cymru'n cynghori ynghylch addasrwydd cynnwys wrth i'r comisiynau ddatblygu, a chedwir yr hawl i fynnu fod newidiadau'n digwydd er mwyn sicrhau fod y comisiynau'n ateb gofynion y briff.

Cyllideb

Bydd pob comisiwn yn werth **£600**. Dylai hyn dalu am bob cost, gan gynnwys treuliau.

Telir y ffioedd pan fydd y gwaith terfynol yn cael ei gyflwyno, oni chytunir fel arall.

Sut i gyflwyno cynnig

A fyddech cystal â chyflwyno cynnig byr sy'n cynnwys:

1. **Bywgraffiad byr**, yn cynnwys:
 - Profiad a / neu arbenigedd perthnasol
 - Samplau o waith blaenorol, os yw'n addas
 - Profiad o weithio'n ddwyieithog, yn Gymraeg a / neu gydag ieithoedd eraill
2. **Cynnig cryno**, yn cynnwys:
 - Beth rydych chi'n bwriadu'i gynnwys ar gyfer y comisiwn
 - Sut mae hwn yn ateb gofynion y briff
3. **Unrhyw wybodaeth arall a fydd yn eich barn chi yn cefnogi eich cais**

Bernir cynigion yn erbyn y meini prawf canlynol:

1. Ansawdd y cynnig o'i gymharu â gofynion y prosiect
2. Profiad perthnasol
3. Sut y bydd y comisiynau a ddetholir yn darparu pecyn cyffrous i blant ar draws yr ystod cynnwys a gynigir

Cyflwynwch eich cynigion at: booktrustcymru@booktrust.org.uk

I drafod y prosiect, cysylltwch os gwelwch yn dda â Claire Taylor:

claire.taylor@booktrust.org.uk

Atodiad 1: Canllawiau Ffilmio BookTrust 2021

Canllaw cyffredinol ar gyfer holl waith ffilmio BookTrust yw hwn.

Ar gyfer unrhyw gynnwys ar ffilm:

- Y fformat a ffafrir yw fideo HD (1920 x 1080 o ran 'resolution'); dylai pob ffilm gael ei saethu mewn fformat tirlun.
- Mae ansawdd sain clir yn hanfodol, a dylid dileu synau cefndirol; rydym ni'n argymhell defnyddio meicroffon allanol yn hytrach nag un integredig.
- Dylid gwneud ffilmiau gan ddefnyddio trybedd neu offer tebyg.

- Dylai ffilmiau fod wedi'u goleuo'n dda ac yn rhydd o amhariad.
- Dylai lleoliadau a chefnidiroedd fod yn ddi-dranglwns.

Canllawiau technegol:

- **Goleuo:** Gwnewch yn siŵr eich bod yn ffilmio mewn lleoliad sydd wedi'i oleuo'n dda. Dylid osgoi gadael i'ch wyneb gael ei oleuo gan sgrin cyfrifiadur pan fyddwch chi'n gweithio gyda camera gwe, am y gall hyn roi arlliw glas nad yw'n ddeniadol.
- **Sain:** Gwnewch yn siŵr fod y sain gystal ag y gall fod os gwelwch yn dda. Mae hyn yn bwysig iawn, felly gwnewch bopeth allwch chi i gael gwared ar unrhyw sŵn cefndirol (e.e. trafndiaeth swllyd, pobl yn siarad, peiriant golchi, teledu, peiriant awyru ac ati).
- **Ceisiwch ddefnyddio meicroffon allanol** (h.y. nid meic mewnol iPhone) ac ewch â'r meic mor agos â phosib at ffynhonnell y sain, gan osgoi ei ddangos yn y siot.
- **Ffilmwch mewn tirlun os gwelwch yn dda** (oni bai am Instagram)
- **Fformat:** Y fformat a ffafrir yw fideo HD ('resolution' o 1920 x 1080)
- **Lleoliad / cefndir:**
 - Gall y lleoliad fod yn unrhyw le sy'n gyffyrddus a chlyd, nid yn rhy glinigol
 - Mae'n bwysig fod pob amgylchfyd yn gredadwy / perthnasol i ystod eang o deuluoedd
 - Mae angen i gefndiroedd fod mor blaen a di-dranglwns â phosib
 - Gwisgwch beth bynnag sy'n gyffyrddus i chi. Dylid osgoi unrhyw beth sy'n dangos logos mawr, geiriau, brandio y gellir ei adnabod neu batrymau gor-lachar.

Sut y bydd y ffilmiau'n cael eu defnyddio:

Bydd BookTrust yn dangos ffilmiau'n llawn ar ein gwefan, ein sianel YouTube a Facebook, ac yn defnyddio clipiau byrrach ar draws y sianelau cyfryngau cymdeithasol – Facebook, Instagram, Twitter ac ati.

Byddan nhw'n aros ar ein sianelau / gwefan.

Efallai y bydd angen i ni wneud tipyn bach o waith golygu, a byddwn ni fel arfer yn dechrau a gorffen y ffilm gyda deunydd brandio BookTrust.

Noder: Ble bynnag y bo'n bosib, byddwn ni'n cynnwys cydnabyddiaethau perthnasol.